



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Saba – Tarehe 18 Mei, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA:

II. HATI ZA KUWASILISHA MEZANI:

Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Hotuba ya Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa Mwaka 2017/2018.

Mwenyekiti wa Kamati ya Sheria, Utawala Bora na Idara Maalum:

Hotuba ya maoni ya Kamati ya Sheria, Utawala Bora na Idara Maalum kuhusu Hotuba ya Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa Mwaka 2017/2018.

Mwenyekiti wa Kamati ya Kuchunguza na Kudhibiti Hesabu za Serikali (PAC):

Hotuba ya maoni ya Kamati ya Kuchunguza na Kudhibiti Hesabu za Serikali (PAC) kuhusu Hotuba ya Ofisi ya Rais, Katiba, Sheria, Utumishi wa Umma na Utawala Bora (Bajeti ya Mdhibiti na Mkaguzi Mkuu wa Hesabu za Serikali) kwa Mwaka 2017/2018.

III. MASWALI:

Ofisi ya Makamu wa Pili wa Rais:

152. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Pamoja na kauli nzuri inayotolewa na Serikali ya Mapinduzi Zanzibar juu ya kuzitaka Taasisi zake zote kutumia Ofisi ya Mchapaji Mkuu wa Serikali katika kazi zake zote zinazohusu uchapaji lakini kumekuwepo muitikio mdogo kwa hili.

- (a) Je Serikali imechukua hatua gani za kisheria kupitia taasisi hizo ambazo bado hazijatii amri hiyo.
- (b) Kwa nini amri za Serikali hazitekelezwi na taasisi hizo kwa kutotii amri halali za Serikali kwa kutochapisha kazi zao katika Taasisi yake.

Ofisi ya Rais, Katiba, Sheria, Utumishi wa Umma na Utawala Bora:

81. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Kwa miaka mingi Serikali imekuwa na utaratibu wa kuwachukulia hatua baadhi ya watu wanaochafua heshima ya mwezi Mtukufu wa Ramadhani kama wale wanaokula hadharani, wanaolewa hadharani, wanaovaa nguo zisizo na heshima n.k

Je, Serikali imejipanga vipi katika mwezi wa Ramadhani kuendelea na utaratibu huu mzuri ambao Wazanzibar wengi tunaunga mkono ili heshima ya mwezi Mtukufu iendelee kubakia Zanzibar na ule utamaduni wa watu kutoka sehemu mbali mbali za dunia kuja kufunga Zanzibar uendeleo kuipa heshima kubwa nchi yetu.

Wizara ya Habari, Utalii, Utamaduni na Michezo:

11. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Habari, Utalii, Utamaduni na Michezo:

Serikali ya Mapinduzi ya Zanzibar inastahili pongezi kwa dhamira sahihi ya kuendeleza michezo Zanzibar na kuhakikisha kuwa michezo mbali mbali inachezwa hapa petu, kama vile kuhakikisha Uwanja wa Amani unawekewa nyasi bandia.

- (a) Je, Serikali imejipanga vipi kuhakikisha uwanja ule unapata mahitaji yake yanayohitajika.
- (b) Je, kuna tahadhari yoyote iliyochukuliwa katika uwanja ule ukitilia maanani kuwa nyasi za plastiki zinaweza kuwaka kukitupwa kipande cha sigara na mashabiki.
- (b) Je, kuna vifaa gani vya kuzima moto katika uwanja huo.

Wizara ya Biashara, Viwanda na Masoko.

140. MHESHIMIWA MWANAASHA KHAMIS JUMA (Jimbo la Chukwani) - Atamuuliza Mheshimiwa Waziri wa Biashara, Viwanda na Masoko.

Kwa kuwa Serikali ina mipango ya kufufua viwanda vilivyokufa kwa muda mrefu ili vifanye kazi. Na kwa kuwa katika eneo la jimbo la Chukwani kulikuwa na kiwanda cha makuta maeneo ya Buyu, ambacho kilikuwepo katika kipindi cha awamu ya tano kilichoongozwa na Rais Mstaafu Mheshimiwa Salmin Amour Juma.

Je, Serikali ina mpango gani wa kukifufua kiwanda kile baada ya kuwepo gofu tu ambalo halina tija kwa nchi yetu.

Wizara ya Ardhi, Maji, Nishati na Mazingira:

22. MHESHIMIWA VIWE KHAMIS ABDALLA (Nafasi za Wanawake) - Atamuuliza Mheshimiwa Waziri wa Ardhi, Maji, Nishati na Mazingira:

Niliwahi kuchangia kuhusu tatizo la maji ambalo lipo katika Shehia ya Kiuyu – Kigongoni na mpaka leo hii tatizo hilo lipo linaendelea.

Je, ni lini Wizara yako italishughulikia tatizo hilo ili kuwaondoshea changamoto hii wanayoipata wananchi wa Shehia hiyo.

Wizara ya Afya:

25. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Afya:

Baada ya kutokea tatizo la unyanyasaji wa Kijinsia wa mwanamke kutiwa moto huko Paje na kulazwa katika wodi mpya ya Hospitali ya Mnazi Mmoja, mwanamke huyo alingiliwa katika chumba alicholazwa.

- (a) Je, Wizara yako inalijua hilo.
- (b) Na kama inalijua, Wizara yako ina mpango gani wa kuweka ulinzi katika Hospitali hiyo ili matatizo kama hayo yasitokee tena.

Wizara ya Ujenzi, Mawasiliano na Usafirishaji:

142. MHESHIMIWA DKT. MWINYIHAJI MAKAME MWADINI (Jimbo la Dimani) - Atamuuliza Waziri wa Ujenzi, Mawasiliano na Usafirishaji:

Katika jimbo la Dimani kuna “mahandaki” mawili yaliyowazi baada ya kukamilika kwa ujenzi wa barabara ya Mazizini – Fumba. Mahandaki hayo moja lipo Kombeni (chomoani) na la pili lipo Dimani.

- (a) Je, Wizara inayo habari kwamba mahandaki hayo yaliyowazi yanachimbwa fusi na udongo na kuuzwa kinyume na sheria.
- (b) Lini Wizara itayafukia mashimo hayo na kuirejesha ardhi kama ilivyokuwa kabla ya kuchimbwa fusi kwa ujenzi wa barabara.

IV. HOJA ZA SERIKALI:

Waziri wa Nchi, (OR) Tawala za Mikoa, Serikali za Mitaa na Idara Maalum za SMZ:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Ofisi ya Rais, Tawala za Mikoa, Serikali za Mitaa na Idara Maalum za SMZ kwa Mwaka 2017/2018.

Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Ofisi ya Rais, Katiba, Sheria, Utumishi wa Umma na Utawala Bora kwa Mwaka 2017/2018.

Zanzibar,
18 Mei, 2017.

(Raya Issa Msellem)
KATIBU WA BARAZA.